

UNIVERZITET U SARAJEVU –
STOMATOLOŠKI FAKULTET

Tel.: +387 33 214 249
Fax: +387 33 443 395
E-mail: dentalschool@sf.unsa.ba
Adresa: Bolnička 4a, Sarajevo
Bosna i Hercegovina



UNIVERSITY OF SARAJEVO –
FACULTY OF DENTISTRY

Phone: +387 33 214 249
Fax: +387 33 443 395
E-mail: dentalschool@sf.unsa.ba
Address: Bolnička 4a, Sarajevo
Bosnia and Herzegovina

Broj: 02-2-1-48-92-13/25
Sarajevo 04.02.2026. godine

Na osnovu člana 69. stav 3. Zakona o javnim nabavkama Bosne i Hercegovina ("Sl. glasnik BiH", br. 39/2014, 59/2022 i 50/2024) i člana 115. Statuta Univerziteta u Sarajevu v.d. dekanesa Univerziteta u Sarajevu - Stomatološkog fakulteta donosi

ODLUKU O OTKAZIVANJU POSTUPKA JAVNE NABAVKE

I.

Otkazuje se postupak javne nabavke koji je pokrenut Odlukom broj: 02-2-1-48-92-3/25 od 18.12.2025. godine za pokretanje otvorenog postupka usluga: Bojenje fasade, tenderska dokumentacija broj: 02-2-1-48-92-5/25 od 19.12.2025. godine, procijenjene vrijednosti radova: 234.300,00 KM (slovima: dvijestotinetrdesetčetirihijadeitristotine KM i 00/100) iz razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

II.

Ova odluka stupa na snagu danom donošenja.

Obrazloženje

U skladu sa Odlukom o izmjeni i dopuni Plana javnih nabavki Univerziteta u Sarajevu za 2025. godinu broj: 02-32-9/25 od 03.12.2025. godine i Odlukom o pokretanju postupka javne nabavke broj: 02-2-1-48-92-3/25 od 18.12.2025. godine, odobreno je pokretanje otvorenog postupka javne nabavke radova: Bojenje fasade sa procijenjenom vrijednosti radova: 234.300,00 KM (slovima: dvijestotinetrdesetčetirihijadeitristotine KM i 00/100).

U toku pripremnih radnji, a prije okončanja predmetnog postupka javne nabavke, došlo je do statusne promjene na strani Ugovornog organa: članica Univerzitet u Sarajevu – Stomatološki fakultet sa stomatološkim kliničkim centrom je izbrisana u sudskom registru dana 03.10.2025. godine a istovremeno su osnovane dvije članice Univerzitet u Sarajevu - Stomatološki fakultet i Univerzitet u Sarajevu - Stomatološki klinički centar. Provedena statusna promjena imala je

direktan i neposredan uticaj na organizacionu strukturu, nadležnosti, kao i na finansijske i budžetske okvire u okviru kojih je predmetna javna nabavka planirana i pokrenuta.

Statusna promjena je rezultirala izmjenama u pogledu nosioca odgovornosti za provođenje postupka, kao i u pogledu stvarne potrebe i mogućnosti realizacije predmetne nabavke, zbog čega više nisu ispunjeni zakonski, organizacioni i finansijski uslovi za nastavak i zakonito okončanje započetog postupka javne nabavke.

Obzirom na naprijed navedeno ističemo član 69. stav (3) Zakona o javnim nabavkama Bosne i Hercegovine („Službene novine BiH“, broj: 39/14, 59/22 i 50/24) koji propisuje sljedeće:

“Ugovorno tijelo može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.”

Iz naprijed citirane odredbe člana 69. stav 3. Zakona o javnim nabavkama jasno je propisano da Ugovorni organ može otkazati postupak javne nabavke isključivo zbog dokazivih razloga koji su van njegove kontrole i koji se nisu mogli predvidjeti u vrijeme pokretanja postupka.

U konkretnom slučaju, nastanak naprijed navedene statusne promjene predstavlja upravo takav objektivan, opravdan i nepredvidiv razlog, koji je u bitnoj mjeri izmijenio pravni, organizacioni i finansijski okvir u kojem je predmetni postupak započet, čime je onemogućeno njegovo dalje zakonito i svrhovito provođenje.

Također, ističemo kako je nakon pokretanja predmetnog postupka javne nabavke, Ugovorni organ zaprimio saznanja da se protiv dekana Univerziteta u Sarajevu - Stomatološkog fakulteta, koji je u svojstvu odgovornog lica potpisao tendersku dokumentaciju i Odluku o pokretanju postupka, vodi krivični postupak pred nadležnim organima. Navedena okolnost u vrijeme pokretanja postupka javne nabavke nije postojala niti se mogla predvidjeti, te predstavlja dodatni razlog koji je van kontrole Ugovornog organa.

Postojanje krivičnog postupka protiv odgovornog lica koje je potpisalo ključne akte u postupku javne nabavke dovodi u pitanje pravnu sigurnost, zakonitost i validnost donesenih odluka, kao i mogućnost daljnjeg zakonitog provođenja postupka. Nastavak postupka u takvim okolnostima mogao bi rezultirati osporavanjem zakonitosti cjelokupnog postupka, ugroziti povjerenje ponuđača, te dovesti do eventualnih pravnih posljedica po Ugovorni organ.

Pored navedenog, nakon provedene statusne promjene kojom su osnovane dvije nove organizacione jedinice Univerzitet u Sarajevu – Stomatološki fakultet i Univerzitet u Sarajevu Stomatološki klinički centar, do dana donošenja ove odluke nisu doneseni niti zaključeni odgovarajući interni akti niti ugovori kojima bi se jasno i nedvosmisleno uredila administrativna, finansijska i organizaciona pitanja između novonastalih jedinica.

Nepostojanje navedenih akata onemogućava jasno utvrđivanje nadležnosti, izvora finansiranja, budžetske odgovornosti, kao i nosioca obaveza u vezi sa provođenjem i realizacijom predmetne javne nabavke. U takvim okolnostima nije moguće osigurati zakonito, transparentno i efikasno provođenje postupka javne nabavke, niti pravilno izvršenje eventualnog ugovora koji bi proizašao iz istog.

S obzirom na navedeno, daljnje provođenje predmetnog postupka javne nabavke pod izmijenjenim okolnostima moglo bi dovesti do povrede osnovnih načela javnih nabavki, naročito načela transparentnosti, jednakog tretmana ponuđača i zakonitosti, te bi bilo protivno važećim propisima iz oblasti javnih nabavki.

Imajući u vidu sve navedeno, Ugovorni organ je, u skladu sa Zakonom o javnim nabavkama BiH, donio odluku o otkazivanju predmetnog postupka javne nabavke. Nakon okončanja procesa usklađivanja organizacionih, statusnih i finansijskih pitanja, te utvrđivanja novih potreba, predmetna nabavka će se, ukoliko za to budu postojali uslovi, provesti kroz novi postupak u skladu sa važećim zakonskim propisima.

Sve pristigle ponude u predmetnom postupku bit će vraćene ponuđačima neotvorene, zajedno sa ovom Odlukom o otkazivanju postupka javne nabavke radova „Bojenje fasade“, broj: 02-2-1-48-92-13/25.

U skladu sa članom 70. Stav (6) Zakona o javnim nabavkama BiH ova Odluka objavit će se na web stranici Ugovornog organa i po procedure unijeti na Portal javnih nabavki.

Pouka o pravnom lijeku:

Protiv ove odluke može se izjaviti žalba, najkasnije u roku od deset (10) dana od dana prijema ove odluke

Akt obradio/la: Almedina Bikić, dipl.iur.

Akt kontrolisao/la: Mr.sci. Nadira Karamujić Bahadır, dipl.oec.

S aktom saglasan/na: Prof.dr.sci. Elmedin Bajrić

V. D. DEKANESA



Prof.dr.sci. Nina Marković

Dostaviti:

- Svim ponuđačima koji su preuzeli TD
- a/a